

– Shun akana! Ka dav tut ekh basi! Ako na svwrshinesa les, ka chhi-
nav ti men!

Ov irisaylo. Chudinela pes. Hala holi.

– So si? Oti sien savka holyardo?

– A chhe, romniye! Mahnine!

– Soske, be?

– Mo dat mangla ekhe akhorestar drehes. Mangela te uryav saure
voynikya.

– Me phendyom tuke te na chhives mi morti? Ake so achhilo!

– Ah, romniye!

– Ma rov! Soske ka roves?

I zhamba avla iz pal o kher.

– Zha phen te dadeske te anel pe voyniken kwtk!

Andyas sauren voynikya. I zhamba dela len drehes iz ko akhor. Sauren
voynikya uravdyas.

– Brey, mamka mu! Nashti te mudaravles!

Ov dikhela te mudarel pe chhaves te lel i romnya. Nakhlo vreme, pale
vikindyas les.

– Akana azhay ekh basi ka dav tut!

– Savo basi?

– Ka keres ekh reysi bi manushesko! Te zhal, te irinel zhi ko palati i
obratno bez manush. Ako na svwrshinesa kiya buki, ti men ka lav!

Ov gelo pala pash pe romnyate.

– So hasa holi?

– Mo dat pala vikindyas man! Ov mangela te kerav ekh reysi bi ma-
nusheskoro te karinel!

– Ma ha holi!

Oy ushtini yavinatar, kerdyas la leske.

– Brey! Li kava basi svwrshindyas! Savo basi te dav les, ta te mudarav
les?

Vikindyas les pala. Phenla:

– Mangava ekh pashka drakh te han me voynikya saure thay te achhy-
ol palane ekh drakh!

Gelo, pala phukavela lake.

– Akana mangel ekh drakh saure voynikya te han thay te artinel!

Odaya:

– Ako! Thardyan mi morti – phenla – akana...! Ama ka zhas i ka
phenes te dadeske, chi ako svwrshinesa li kava basi, tu ka chhines leski
men!